



Broj: 05 - 47- 13 /17
Datum: 02.02.2017.godine

Na osnovu člana 69. stav (2) tačka d) Zakona o javnim nabavkama („Sl. glasnik BiH“, broj 39/14), člana 8. stav (2) tačka d) Pravilnika o uspostavljanju i radu Komisije za nabavke (Sl. Glasnik BiH, broj: 103/14), i člana 14 stav (5) Pravilnika o javnim nabavkama roba, usluga i radova (broj: 04-257/16), na Preporuku Komisije za javnu nabavku, broj: 05-47-12/17 od 02.02.2017. godine, u postupku javne nabavke usluga – fizičko obezbjeđenje Zavoda za zapošljavanje Brčko distrikta BiH, direktor Zavoda za zapošljavanje Brčko distrikta BiH je donio

ODLUKU o poništenju postupka javne nabavke

Član 1.

Poništava se postupak javne nabavke fizičkog obezbjeđenja Zavoda za zapošljavanje Brčko distrikta BiH (u daljem tekstu: Zavod) iz razloga što je cijena prihvatljive ponude znatno veća od obezbijeđenih sredstava za predmetnu nabavku – član 69. stav (2) tačka e) Zakona o javnim nabavkama.

Član 2.

Za izvršenje ove odluke zadužuje se i ovlašćuje Sektor za ekonomske poslove i analizu Zavoda.

Član 3.

Ova odluka objaviće se na web-stranici Zavoda www.zzzbrcko.org istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama.

Član 4.

Ova odluka stupa na snagu danom donošenja i dostavlja se ponuđačima koji su učestvovali u postupku javne nabavke, u skladu sa članom 71. stav (2) Zakona o javnim nabavkama.

Obrazloženje

Postupak javne nabavke pokrenut je Odlukom o pokretanju postupka javne nabavke broj: 05-47-2/17 od 11.01.2017.godine.

Javna nabavka je sprovedena putem konkurentskog zahtjeva objavom obavještenja o javnoj nabavci na Portalu javnih nabavki Agencije za javne nabavke BiH.

Procijenjena vrijednost javne nabavke bez PDV-a je 9695,28 KM.





Obavještenje o nabavci broj: 953-7-2-2-3-2/17 poslato je na objavljivanje dana 11.01.2017.godine, a objavljeno je na Portalu javnih nabavki dana 11.01.2017. godine u 13:50.

Komisija za javnu nabavku imenovana je Odlukom broj: 01-38/17 od 10.01.2017 godine.

Komisija za javnu nabavku dostavila je dana 20.01.2017. godine Izvještaj o radu broj: 05-47- 8/17 od 20.01.2017.godine, Zapisnik o pregledu i ocjeni ponuda broj: 05-47-7 /17 od 20.01.2017. godine i Preporuku o izboru najpovoljnijeg ponuđača, broj: 05-47-9/17 od 20.01.2017. godine, kojom je direktoru predloženo da se ugovor o fizičkom obezbjeđenju Zavoda dodijeli najpovoljnijem ponuđaču d.o.o., „ALPHA-SECURITY“ Banja Luka-PJ Brčko.

U postupku po Izvještaju o radu je utvrđeno da je Komisija za javnu nabavku blagovremeno i pravilno izvršila otvaranje ponuda i ocjenu kvalifikovanosti ponuđača, o čemu je sačinila odgovarajuće zapisnike, u kojima je utvrđeno sljedeće:

- da su ukupno pristigle dvije ponude;
- da su blagovremeno zaprimljene dvije ponude;
- da su ponude oba ponuđača, „ALPHA-SECURITY“ d.o.o. Banja Luka-PJ Brčko, Banjalučka br.8. i „SECTOR SECURITY“ d.o.o. Banja Luka, Siniše Mijatovića br.9. prihvatljive.

Na osnovu dostavljene Preporuke, direktor Zavoda je donio Odluku o izboru najpovoljnijeg ponuđača, br.05-47-10/17 od 23.01.2017. godine. U stavu (1) iste traženo je da izabrani ponuđač u roku od pet (5) dana od dana zaprimanja obavještenja o rezultatima postupka javne nabavke dostavi dokaze o ispunjavanju uslova koji se traže tenderskom dokumentacijom.

U ostavljenom roku izabrani ponuđač je dostavio traženu dokumentaciju. Međutim, uvidom u istu Komisija za javne nabavke je utvrdila da je izabrani ponuđač blagovremeno izvršio sve obaveze tražene tenderskom dokumentacijom, sem doprinosa za nezaposlene za zaposlene u RJ Brčko, što je učinio nakon datuma davanja i dostave Izjave o ispunjenosti uslova iz člana 45 stav (1) tačka a) do d) Zakona o javnim nabavkama BiH, što je u suprotnosti sa odredbom člana 68. stav (1) Zakona o javnim nabavkama BiH i tenderskom dokumentacijom.

Uvidom u dostavljenu dokumentaciju drugorangiranog ponuđača „SECTOR SECURITY“ d.o.o. Banja Luka, Komisija za javne nabavke Zavoda je utvrdila da je ista „znatno veća od obezbjeđenih sredstava javne nabavke“. Ovo iz razloga što je Planom javnih nabavki Zavoda za 2017. godinu za predmetnu javnu nabavku planiran iznos od 9.695,28 KM (bez obračunatog PDV-a), a drugorangirani ponuđač je ponudio cijenu od 11.155,68 KM ((bez obračunatog PDV-a), što je više u odnosu na planirani iznos za 1.460,40 KM.

Shodno naprijed navedenom, Komisija za javne nabavke je u Preporuci za poništenje postupka javne nabavke, broj: 05-47-12/17 od 02.02.2017. godine, predložila direktoru da donese odluku o poništenju postupka predmetne javne nabavke, cijeneći da su se stekli zakonom propisani uslovi za poništenje propisani članom 68 stav (1) i članom 69. stav (2) tačka e) Zakona o javnim nabavkama BiH.



Nadalje, u postupku ocjene provedenog postupka, direktor Zavoda nije našao razloge, nepravilnosti niti propuste u radu koji bi eventualno bili osnov za neprihvatanje preporuke Komisije za nabavku.

U postupku je utvrđeno da je Komisija u svemu pravilno postupila te da je preporuka o poništenju postupka nabavke data u skladu sa Zakonom o javnim nabavkama, podzakonskim i internim aktima i tenderskom dokumentacijom.

Iz navedenih razloga, primjenom člana 68 stav (1) i članom 69. stav (2) tačka e) Zakona o javnim nabavkama („Sl. glasnik BiH“, broj 39/14), člana 8. stav (2) tačka d) Pravilnika o uspostavljanju i radu Komisije za nabavke (Sl. Glasnik BiH broj: 103/14), i člana 14 stav (5) Pravilnika o javnim nabavkama roba, usluga i radova Zavoda (broj: 04-257/16), odlučeno je kao u članu 1. ove odluke.

POUKA O PRAVNOM LIJEKU: Protiv ove Odluke može se izjaviti žalba, najkasnije u roku od 10 (deset) dana od dana prijema ove Odluke. Žalba se izjavljuje Kancelariji za razmatranje žalbi Bosne i Hercegovine, putem ugovornog organa u pisanoj formi direktno ili preporučenom poštanskom pošiljkom na adresu: Marka Marulića br.1, 761000 Brčko.

Žalba se podnosi u najmanje 3 (tri) primjerka.



DIREKTOR,

Vlado Jevtić, dipl.ecc.

Dostaviti:

- ponuđačima x 2
- Sektoru za ekonomske poslove i analizu
- Arhivi